

HEBREOJOB

¹ Ti oñiyi Dios tsi' c'aññ jini x'alt'añob cha'an mi' pejcan lac ñojte'el. Cabłł tsi' pejcayob ti chajp ti chajp che' bajche' yom ti jujunyajl. ² Włle, ti ili cojix bł q'uin tac tsa'ix i c'aññ i Yalobil i pejcañonla. Tsi' wa'choco cha'an mi' yłq'uentel pejtelel chuqui tac an. Tsi' c'aññ ti' melol pejtel chuqui tac an. ³ Mi' wen ac' ti tsictiyel i ñucllel i Tat. Mero Diosłch ajñel. I tsictiyemlelłch i Tat. Ti' p'łtllel i t'an mi' cłntan pejtel chuqui tac an. Che' bł tsa' ujti i bajñel poc lac mul, tsa' buchle ti' ñoj jini C'ax Ñuc Bł am bł ti chan. ⁴ Ñumen ñuc bajche' jini ángelob, come ñumen ñuc tsa' otsłbenti i c'aba' bajche' ángelob.

Ñumen ñuc i Yalobil Dios bajche' ángelob

⁵ Come Dios ma'anic ba' ora tsi' sube ángel mi jun-tiquilic: “Jatet Calobilet. Włle tsa' ochiyon ti a Tat”. Ma'anic ba' ora tsi' sube ángel: “A Taton, calobilet”. Mach che'ic tsi' yłłł. ⁶ Che' bł tsi' choco tilel ti pañimil yłx alłł bł i Yalobil, Dios tsi' yłłł: “La' i ch'ujutesañob Calobil pejtelel ángelob”, che'en. ⁷ Dios tsi' yłłł cha'an jini ángelob: “Ora jach mi' majlelob i yángelob che' bajche' ic'. Lajalob jini x'e'telob i cha'an bajche' c'ajc mu' bł ti lejmel”, che'en.

⁸ Pero che' bł tsi' pejca i Yalobil tsi' yłłł: “Buchulet Dios ti a yumłntel, ti pejtelel ora. Ti a yumłntel mi caj a mel chuqui toj. ⁹ Tsa' mula chuqui toj. Tsa' ts'a'le jontolil. Jini cha'an joñon, a Dios, tsa'ix c ñumen aq'ueyet i tijicñlyel a pusic'al bajche' yaño' bł”, che'en.

¹⁰ Tsi' yłłł ja'el: “Jatet yumłlet, ti' cajibal tsa' wa'choco jini pañimil. Jini cha'an i melbalłch a c'łb. ¹¹ Mi' caj ti jilel jini pañimil yic'ot panchan, pero mi caj a chlłn ajñel. Mi'

caj ti tsuculiyel jini pañimil yic'ot panchan che' bajche' bujcał. ¹² Mi caj a bał che' bajche' mi' bałlel tsuts. Mi' caj ti q'uextiyel. Pero chał junlajalet ti pejtelel ora. Ma'anic mi caj i jilel a jabileł", che'en.

¹³ Dios ma'anic ba' ora tsi' sube ángel: "Buchí' tic ñoj jinto mi caq'ueñet a jisan a contrajob". Mach che'ic. ¹⁴ Pejtelel jini ángelob, ¿mach ba espíritujobic mu' ba i cha'leñob e'tel? ¿Mach ba chocbilobic tilel cha'an mi' całtañob jini mu' ba caj i coltanelob?

2

Jini ñuc ba laj coltanel

¹ Jini cha'an wera yom mi lac wen ac' ti lac pusic'al jini t'an tsa' ba la cubi ame laj cał mi mach yałalic la co. ² Isujm i t'an jini ángelob. Majqui jach tsi' ñusabeyob i t'an tsi' wera tojoyob i mul, come ma'anic tsi' jac'ayob. ³ ¿Bajche' mi mejlel lac puts'el joñonla mi woli lac ñusan jini ñuc ba laj coltanel? Lac Yum tsi' teche i subol laj coltanel. Jini tsa' ba i yubibeyob i t'an, tsi' cha' subeyonla ti isujm. ⁴ Dios tsi' teme i t'an yic'otob che' ba tsi' pałsa i sujmllel i t'an, yic'ot cabal i yejtal tac i p'atlel, yic'ot bałbaq'uen tac ba, yic'ot ñuc tac ba i melbal. Tsi' yaq'ueyob i c'ajñibal ti chajp ti chajp yic'ot jini Ch'ujul ba Espiritu che' bajche' yom i pusic'al.

I Yaj Coltaya winicob

⁵ Come Dios ma'anic tsi' yał'a ti' wenta ángelob jini tal to ba pañimil mu' ba lac sub. ⁶ Ts'ijbubil chuqui tsi' yał David ti salmo: "¿Chucoch ma' wac' ti a pusic'al winicob x'ixicob? Yic'ot i Yalobil Winic, ¿chucoch ma' c'uxbin? ⁷ Tsa' poj ac' ti chumtal ti pañimil ba' mach i tajayic i ñuclel ángelob. Tsa' wlaq'ue i ñuclel yic'ot i c'uxbintel ti' tojlel pejtelel chuqui tac an. ⁸ Tsa' wlaq'ue

i yumantel ti' tojlel pejtel chuqui tac an”, che'en. Che' bλ tsi' yotsa ti' wenta pejtelel chuqui tac an, ma'anic tsa' cλe chuqui mach aq'uebilic ti' wenta. Wλe maxto añic woli laj q'uelben i yumantel. ⁹ Pero mi laj q'uel Jesús, tsa' bλ poj peq'uesanti ba' mach i tajayic i ñuclel ángelob, tsa'ix cha' aq'uenti i ñuclel yic'ot i c'uxbintel, cha'an tsi' yλc'λ i bλ ti chλmel, come ti' yutsllel i pusic'al Dios tsa' chλmi cha'an pejtelelonla.

¹⁰ Dios tsi' mele pejtel chuqui tac an. Woli' cλntan cha'an mi' tsictesan i ñuclel. Yom mi' yλq'ueñob i ñuclel pejtel i yalobilob. Jini cha'an tsi' ts'actesa i ye'tel ti Jesucristo la caj Coltaya che' bλ tsi' yλc'λ ti wocol cha'an mi' coltañonla cha'an mi lac taj lac ñuclel ti' tojlel.

¹¹ Jini mu' bλ i sλq'uesan winicob x'ixicob yic'ot jini mu' bλ i sλq'uesantelob an jach juntiquil i Tat ti pejtelob. Jini cha'an ma'anic mi' cha'len quisin Jesús che' mi' yermanojiñob. ¹² Tsi' yλλa: “Mi caj c tsictesλbeñob a c'aba'. Ti' tojlel jini temprλbilo' bλ mi caj j c'λyin a ñuclel”, che'en. ¹³ Tsi' yλλa ja'el: “Mi caj c wen ñop Dios”. Tsi' cha' aλa: “Wλ' añon quic'ot calobilob tsa' bλ i yλq'ueyon Dios”, che'en.

¹⁴ An i bλc'tal yic'ot i ch'ich'el i yalobilob. Jini cha'an Jesús tsi' taja i bλc'tal yic'ot i ch'ich'el ja'el cha'an mi' yλc' i bλ ti chλmel. Che' bλ tsa' chλmi tsi' jisa jini am bλ i p'λtλlel cha'an mi' yλc' ti chλmel winicob x'ixicob, jiñlch xiba. ¹⁵ Che' jini tsi' jiti pejtelel jini cλchλlo' bλ ti xiba, mu' bλ i cha'leñob bλq'uen come mi' cajelob ti chλmel. ¹⁶ Melel ma'anic mi' coltan ángelob. Mi' coltan i p'olbal Abraham. ¹⁷ Jini cha'an wersa tsi' ch'λmλ i bλc'tal Jesús lajal bajche' i bλc'tal i yermanojob cha'an mi' yochel ti c'ax ñuc bλ motomaj yujil bλ p'untaya. Xuc'ul i pusic'al ti' ye'tel Dios cha'an mi' tojbeñob i mul pejtelel winicob

x'ixicob. ¹⁸ Tsi' yubi wocol che' bλ tsa' pλjyi ti mulil. Jini cha'an mi mejlel i coltan jini woli bλ i pλjyelob ti mulil.

3

Ñumen ñuc Jesús bajche' Moisés

¹ Jini cha'an ch'ujul bλ hermanojob, jatetla woli bλ la' pλjyel ti Dios, q'uelela Cristo Jesús, jini chocbil bλ tilel. Jiñlch c'ax ñuc bλ motomaj lac cha'an mu' bλ lac ñop. ² Xuc'ul tsi' melbe i ye'tel Dios tsa' bλ i wa'choco, che' bajche' xuc'ul tsi' mele i ye'tel Moisés ti' tojlel i cha'año' bλ Dios. ³ Jini xmel otot ñumen an i ñuclel bajche' i yotot. Che' ja'el ñumen yom mi laj c'uxbin Jesús bajche' Moisés come ñumen ñuc. ⁴ Ti jujump'ejl otot añlch majqui tsi' mele. Pero jini tsa' bλ i mele pejtelel chuqui tac an, jiñlch Dios. ⁵ Moisés xuc'ul tsi' melbe i ye'tel Dios ti' tojlel i cha'año' bλ Dios. I winiclch. Tsi' wλn tsictesa jini tsa' bλ tili ti wi'il. ⁶ Pero Cristo i Yalobilch Dios. Mi' clantan ti xuc'ul i cha'año' bλ Dios. Tsiquil che' jini, i cha'año'la Dios mi c'λlλl ti' jilibal chlλn lotol ti lac pusic'al chuqui tsa' lac ñopo, mi xuc'ul mi lac pijtan ti' tijicñlyel lac pusic'al.

Pλybilob cha'an mi' c'ajob i yo

⁷ Jini cha'an, che' bajche' mi' yλl jini Ch'ujul bλ Espíritu: “Mi woli la' wubiben i t'an Dios, ⁸ mach mi la' wλc' ti tsλts'an la' pusic'al che' bajche' tsi' cha'leyob la' tatob che' bλ tsi' contrajiyñoob ya' ti colem bλ i tiquiñal lum che' bλ tsi' yilλbeyoñob c pusic'al. ⁹ Tsi' yilλbeyoñob c pusic'al. Tsi' ñusayob c t'an. Cha'c'al jab tsi' q'ueleyob c melbal. ¹⁰ Che' jini tsi' techbeyoñob c mich'ajel jini año' bλ ti yambλ ora. Tsac subu: Ti pejtelel ora an i sajtemal come leco chuqui tsi' ña'tayob ti' pusic'al. Ma'anic tsi' ñopoyob c bijlel. ¹¹ Jini cha'an mich' tsac subu ti isujm: Ma'anic mi caj clq'ueñoob i c'aj i yo”. Che' mi' yλl jini Ch'ujul bλ Espíritu. ¹² Jini cha'an hermanojob, chlcl

q'uele la' bλ ame tejchic jontolil ti la' pusic'al, ame mi la' cλy jini cuxul bλ Dios mi mach xuc'ulic mi la' ñop. ¹³ Pero yom mi la' xic'ben la' bλ ti uts'at ti jujump'ejl q'uin che' woli to i pλyonla, ame tsats'ac la' pusic'al ti mulil yujil bλ lotiya. ¹⁴ Lac tem cha'añlch i yutsllel i pusic'al Dios la quic'ot Cristo mi c'λλl ti'jilibal mi lac chλn ñop che' bajche' ti ñaxan ti' xuc'tilel lac pusic'al. ¹⁵ I t'an Dios mi' subeñonla: “Mi woli la' wubiben i t'an Dios, mach mi la' wλc' ti tsats'an la' pusic'al che' bajche' tsi' cha'leyob che' bλ tsi' contrajiyob”. Che' mi' yλl.

¹⁶ ¿Majqui tsi' contrajiyob che' bλ tsi' yubibeyob i t'an? ¿Mach ba pejtelobic tsa' bλ loq'uiyob ti Egipto yic'ot Moisés? ¹⁷ Cha'c'al jab tsi' techbeyob i mich'ajel. Dios tsi' mich'le jini tsa' bλ i cha' leyob mulil. Tsa' yajliyob i bλc'tal ya' ti jochol bλ lum. ¹⁸ Dios tsi' tajayob ti t'an che' bλ tsi' yλλ ti isujm: “Ma'anic mi caj cλq'ueñob i c'aj i yo”, che'en. Jiñobλch tsa' bλ i ñusλbeyob i t'an. ¹⁹ Tsiquil che' jini, ma'anic tsa' mejliyob ti ochel, come ma'anic tsi' ñopoyob.

4

¹ Woli to i pλyonla Dios cha'an mi' yλq'ueñonla laj c'aj la co. Jini cha'an yom tsajilonla ame anic ti la' tojlel majqui ma'anic mi' c'aj i yo ti lac Yum. ² Come tsa'ix subentiyonla jini Wen T'an lajal bajche' tsa' subentiyob. Pero ma'anic chuqui tsi' tajayob che' bλ tsi' yubiyob come ma'anic tsi' ñopoyob. ³ Pero joñonla mu' bλ lac ñop Dios, ochemonla ba' mi laj c'aj la co, che' bajche' tsi' yλλ: “Mich'on tsac subu ti isujm: Ma'anic mi caj cλq'ueñob i c'aj i yo quic'ot”. Che' tsi' yλλ Dios, anquese ujtemix i melbal c'λλl ti' tejchibal pañimil. ⁴ Come an ba' ts'ijbubil jini t'an cha'an i wucp'ejlel q'uin: “Ti' wucp'ejlel q'uin Dios tsi' c'aja i yo

che' ujtemix pejteli i ye'tel". Che' lch ts'ijbubil. ⁵ Ts'ijbubil ja'el: "Ma'anic mi caj i yochelob ti c'aj o", che'en.

⁶ Tsiquil mi caj i c'ajob i yo yaño' bλ, come ma'anic tsi' c'ajayob i yo jini tsa' bλ subentiyob jini Wen T'an ti ñaxan, come xñusa t'añob. ⁷ Tsi' cha' taja ti t'an i yorajlel c'aj o che' bλ tsa' ñumi cabλ jab. Tsi' subu ti' jun David jini jach bλ t'an: "Mi woli la' wubiben i t'an wλle, mach mi la' wλc' ti tsλts'an la' pusic'al". Che' tsi' yλλ. ⁸ Tsa'ic i yλq'ueyob i c'aj i yo jini Josué, ma'anic tsi' cha' alλ Dios ti wi'il. ⁹ Tsiquil che' jini, an yambλ c'aj o woli bλ i pijtañob i cha'año' bλ Dios. ¹⁰ Come majqui jach mi' c'aj i yo ti Dios, mi' cλy i mel i ye'tel che' bajche' Dios tsi' c'aja i yo che' ujtemix i ye'tel. ¹¹ La' lac cha'len wersa cha'an mi laj c'aj la co, ame anic majch mi' yajlel ti mulil che' bajche' la' tatob tsa' bλ i ñusλbeyob i t'an.

¹² Come cuxul i t'an Dios. Wen p'λtλλ. Ñumen jay bajche' espada am bλ i yej ti' cha'wejlel. Mi' sλl jec' lac pusic'al yic'ot lac ch'ujlel. Mi' tsictesan chuqui woli' yλ lac pusic'al yic'ot chuqui yom lac pusic'al. ¹³ Ma'anic mucul tac bλ ti' wut Dios. Jamal ti' wut pejteli chuqui tac an. Wersa mi caj lac mel lac bλ ti' tojlel jini mu' bλ i lu' q'uel.

Jesús jini c'ax ñuc bλ la caj motomaj

¹⁴ An c'ax ñuc bλ la caj motomaj tsa' bλ ochi ti panchan ti' tojlel Dios. Jiñlch Jesús, i Yalobil Dios. Jini cha'an la' lac chλn ac' ti lac pusic'al jini tsa' bλ lac ñopo mu' bλ lac sub. ¹⁵ C'ax ñuc la caj motomaj. Yujil i p'untañonla, come yujil c'uñonla. Tsa' pλjyi ti chajp ti chajp bλ mulil ja'el, che' bajche' mi lac pλjyel ti mulil. Pero ma'anic tsi' jac'λ. ¹⁶ Jini cha'an yom ch'ejl lac pusic'al mi lac lac'tesan lac bλ ba'an i buchlib Dios ba' mi' pλsbeñonla i yutslel i pusic'al.

Ya'i mi caj lac p'untantel. Mi caj laj coltantel ti' yutslel i pusic'al che' an wocol ti lac tojlel.

5

¹ Pejtel ñuc bλ motomaj yajcλbil bλ ti' tojlel winicob, an ti' wenta cha'an mi' melben i ye'tel Dios cha'an i wenlel winicob. Mi' yλq'uen Dios ofrenda yic'ot tsansλbil bλ i majtan cha'an mulil. ² Mi mejlel i p'untan jini mach bλ anic i ña'tλbal yic'ot jini woli bλ ti sajtel, come winic ja'el. ³ Jini cha'an wersa yom mi' yλq'uen i majtan Dios cha'an i bajñel mul, che' bajche' mi' yλq'uen i majtan cha'an i mul yaño' bλ. ⁴ Ma'anic majch mi' bajñel ch'λm jini ñuc bλ e'tel, cojach jini mu' bλ i pλjyel ti Dios che' bajche' tsa' pλjyi Aarón.

⁵ Cristo ja'el ma'anic tsi' bajñel ñuq'uesa i bλ cha'an mi' bajñel otsan i bλ ti c'ax ñuc bλ motomaj. Tsa' subenti: “Jatet Calobilet. Wλle tsa' ochiyon ti a Tat”, che'en. Jini tsa' bλ i sube ili t'an tsi' wa'choco. ⁶ Tsi' yλλ ti yambλ salmo ja'el: “Jatet motomajet ti pejtelel ora. Wa'chocobilet ti' motomajil Melquisedec”, che'en.

⁷ Che' wλ'to chumul Jesús ti pañimil, tsi' pejca Dios am bλ i p'λtλlel cha'an mi' yλc' ti coel ame chλmic. Tsi' c'ajtibe ti wocol t'an. C'am tsi' cha'le uq'uel. Tsa' tili i ya'lel i wut. Dios tsi' yubibe i t'an i Yalobil come uts'at tsi' jac'λ ti pejtelel ora. ⁸ Pero anquese i Yalobilλch, ti' caj i wocol tsi' wen ñopo ch'ujbiya. ⁹ Che' bλ tsa' ts'actiyi i chajpantel yic'ot i ñuclel Jesús, tsa' ochi ti la caj Coltaya ti pejtelel ora. Mi' coltan pejtelel mu' bλ i jac'beñob i t'an. ¹⁰ Dios tsi' subu ti c'ax ñuc bλ motomaj wa'chocobil bλ ti' motomajil Melquisedec.

Jini mu' bλ i cλyob Dios

¹¹ Anto chuqui com c subeñet lojon, come cabλ i sujmllel ili motomajil. Wocol mi la' ch'λmben isujm come

מלכל la' chiquin yubil. ¹² Anix ora tsa' la' wubi jini t'an. Anquese i yorajlelix mi la' wochel ti xcantesajob, anto yom majqui mi' cha' cantesañetla c'ללל ti' cajibal i sujmllel i t'an Dios. La' wom to la' chu' yilal. Maxto mejlic la' c'ux waj. ¹³ Come majqui jach woli to ti chu', maxto wen yujilic bajche' yom mi' yajñel ti toj, come אלל to. ¹⁴ Pero mi laj c'ux waj che' tsa'ix lac taja laj coel, che' כלללilac lac cha'an chuqui wen yic'ot chuqui mach wenic.

6

¹ Jini cha'an mach yomix mi lac chלן jal'an ti' ñopol i cajibal i sujmllel Cristo. La' wen sojlic ti lac pusic'al pejtelel i sujmllel, mach jinic jach i tejchibal cantesa. Yom mi lac junyajlel כלל jini lolom jach בל lac melbal cha'an mi lac ñop Dios. ² Jasללch la' cantesantel ti ch'למja' yic'ot ti אל'ol c'לבל ti la' jol. Tsa'ix la' wubi mi' tejchelob ch'ojoyel chameño' בל. Tsa'ix la' wubi i sujmllel toj mulil mach בל yujilic jilel. Jasל la' cantesantel ti ili tac. ³ Pero anto yom mi la' taj la' coel ti Cristo. La' lac ñop ti pejtelel che' bajche' yom Dios. ⁴ Jini mu' בל i junyajlel כללוב Dios, ¿bajche' mi caj i cha' ñopob? Tsa'ix i כלן q'ueleyob i אלlel. Tsa'ix i כלן tajayob i wenlel ti Dios yic'ot ti Ch'ujul בל Espíritu. ⁵ Tsi' ña'tayob uts'at i t'an Dios. Tsi' yubiyob i p'ללל i yumantel mu' בל caj i tilel. ⁶ Pero tsi' לל'ל'oyob i בל. Mach mejlix lac chלן ñijcלbeño' i pusic'al cha'an mi' cha' sutq'uiño' i בל, come woli' cha' ch'ijob ti cruz i Yalobil Dios yilal. Woli' אל'ob ti wajlentel.

⁷ Dios mi' אל'uen i bendición jini lum mu' בל i chלן jar ja'al che' mi' choc tilel. Mi' אל' ti coel uts'at tac בל lac רל'bal. ⁸ Pero mi woli jach i אל' ti coel pimel am בל i ch'ixal, ma'anic i c'לjñibal jini lum. Pujch'emix. I yum mi caj i כלל. Mi' caj ti pulel.

HEBREOS 6:9 9 HEBREOS 6:19-20

⁹ C'uxbibilo' bλ, anquese che'λch wolic subeñet lojon, cujil lojon uts'at añetla. Woli la' wλc' la' wut ti uts'at come coltλbiletla. ¹⁰ Come mach jontolic Dios. Mach ñajlyic i cha'an la' melbal yic'ot la' c'uxbiya, come ti' c'aba' Dios tsa' la' colta i cha'año' bλ. Woli to la' coltañob. ¹¹ Pero com lojon chλn bλxetla ti jujuntiquiletla c'λλl mi la' chλmel, cha'an mi la' taj pejtēl woli bλ la' pijtan. ¹² Mach comic lojon mi la' lij la' bλ. Tsajcanla majlel jini woli bλ i yλq'uentelob pejtelel jini albil bλ i cha'an Dios, come mi' chλn cha'leñob pijt ti' xuc'talel i pusic'al woli bλ i ñopob.

¹³ Dios che' bλ tsi' yλq'ue Abraham i t'an, tsi' bajñel xuc'choco i t'an. Come ma'anic yambλ ñuc bλ bajche' Dios tsa' bλ mejli i xuc'chocon. ¹⁴ Tsi' sube Abraham: “Ti isujm cabλl mi caj cλq'ueñet bendición. Mi caj c wen p'ojlesλbeñet a p'olbal”. Che' tsi' yλλ Dios. ¹⁵ Che' jal tsi' pijta Abraham ti' xuc'talel i pusic'al, tsi' taja chuqui albil i cha'an Dios.

¹⁶ Ti isujm, winicob mi' tajbeñob i c'aba' jini ñumen ñuc bλ cha'an mi' xuc'chocoñob i t'an. Che' mi' xuc'chocoñob ti' c'aba' yambλ, ma'anix majch mi mejlel i jem. ¹⁷ Dios ja'el yom i wen tsictesλbeñonla mach mejlic ti jejmēl i t'an. Pejtēl mu' bλ i ñopob mi caj i yλq'uentelob chuqui albil i cha'an. Jini cha'an tsi' bajñel taja i c'aba' cha'an mi' xuc'chocon i t'an. ¹⁸ Dios mach mejlic i cha'len lot. An cha'chajp mach bλ yujilic q'uextlyel. Jiñλch i xuc'talel i pusic'al yic'ot albil bλ i t'an. Jini cha'an joñonla tsa' bλ lac taja laj coltλntel ti Dios, mi lac taj i ñuq'uesλntel lac pusic'al cha'an mi lac chλn pijtan chuqui subebilonla. ¹⁹⁻²⁰ Jini lac pijtaya, jiñλch mu' bλ i tsats xuc'chocoñonla. Mi' yλc'onla ti ochel ti junwejl pisil bλ tsalλl yilal ya' ti panchan ba' tsa' ñaxan ochi Jesús cha'añonla. Tsa' ochi ti c'ax ñuc bλ motomaj ti pejtelel ora wa'chocobil ti'

motomajil Melquisedec.

7

I motomajil Melquisedec

¹ Che' bλ tsi' mλλλ Abraham ti' tojlel jini reyob, tsa' tili Melquisedec cha'an mi' taj che' wolix ti sujtel. Melquisedec jiñlch i rey Salem, i motomaj jini Nuc bλ Dios. Melquisedec tsi' yλq'ue Abraham i yutslel i t'an.

² Abraham tsi' yλq'ue i diezmojlel pejtél i chubλ'an. An i sujmlél i c'aba' Melquisedec ti lac t'an, jiñlch Toj bλ Rey am bλ ti Salem. Jiñlch Rey yujil bλ Nλch'chocoya.

³ Ma'anic i tat i ña'. Ma'anic tsa' tajle i c'aba' i ñojte'el. Ma'anic i cajibal, ma'anic i jilibal. Lajalλch bajche' i Yalobil Dios. Motomaj ti pejtelel ora.

⁴ Ña'tanla i ñuclel jini Melquisedec. Abraham lac pλq'uil tsi' yλq'ue i diezmojlel pejtelel chuqui tsi' taja ti guerra. ⁵ Isujm, ts'ijbubil ti jini mandar an ti' wenta i p'olbal Leví mu' bλ i yochelob ti motomajil cha'an mi' ch'λmbeñob i diezmojlel i chubλ'an i pi'λlob. Anquese laj i p'olbalob Abraham ti pejtelelob, pero che'λch yom mi' yλq'ueñob i chubλ'an i pi'λlob. ⁶ Pero jini Melquisedec mach bλ i p'olbalic Leví, tsi' ch'λmbe i diezmojlel i chubλ'an Abraham. Tsi' yλq'ue i yutslel i t'an jini am bλ i cha'an jini albil bλ t'an. ⁷ Isujm, jini ñuc bλ mi' yλq'uen i yutslel i t'an jini mach bλ yoque ñuquic. ⁸ Isujm, mi' ch'λmob diezmo i p'olbalob Leví yujilo' bλ chλmel. Pero mi' subeñonla i Ts'ijbujel Dios chλn cuxul Melquisedec. ⁹ Mi mejlel la cλl: Jini Leví (i ñojte'el jini mu' bλ i ch'λmob diezmo) anto ti Abraham ba' ora tsi' yλq'ue Melquisedec i diezmojlel i chubλ'an. ¹⁰ Come jini Leví i p'olbalλch Abraham. Ya'to an Leví ti' bλc'tal Abraham che' bλ tsi' taja Melquisedec.

¹¹ Dios tsi' yalq'ueyob israelob jini ts'ijbubil ba mandar ti' wenta i p'olbal Leví. Tsi' wa'choco motomajob tilemo' ba ti Aarón, i yalobil ba Leví. Tsa'ic mejli i coltañonla i p'olbal Leví, ma'anic tsi' wersa choco tilel yamba motomaj wa'chocobil ba ti' motomajil Melquisedec. Come parte jini Melquisedec, mach tilemic ti Aarón. ¹² Che' ba tsa' loq'ui ti' motomajil i p'olbal Aarón, wersa tsa' q'uextlayi jini mandar. ¹³ Come mach tilemic ti Leví Cristo tsa' ba ochi ti motomaj, pero tilem ti Judá, jini yamba junmojt israelob ba' ma'anic mi juntiquilic tsa' ba i cha'le i ye'tel ti motomaj ti' t'ejl i pulantib i majtan Dios. ¹⁴ Come ña'tabil lac cha'an tsa' tili lac Yum ti' p'olbal Judá, pero Moisés ma'anic tsi' yala mi tal motomaj ti' p'olbal Judá.

¹⁵ Tsiquil che' jini tsa'ix tejchi yamba motomaj che' bajche' Melquisedec. ¹⁶ Che' ba tsa' ochi ti motomaj, mach wa'chocobilic i cha'an winicob che' bajche' ts'ijbubil ti mandar. Pero wa'chocobil ti motomaj yic'ot i p'atlal i cuxtalal mach ba yujilic jilel. ¹⁷ Jump'ejl salmo tsi' taja ti t'an Cristo che' ba tsi' yala: “Motomajet ti pejtelel ora. Wa'chocobilet ti' motomajil Melquisedec”, che'en. ¹⁸ Isujm tsa' q'uextiyi jini ñaxan ba mandar come ma'anic i p'atlal. Ma'anic i c'ajñibal. ¹⁹ Come jini mandar ma'anic tsa' mejli i yalq'ueñonla lac p'atlal cha'an ts'acal mi lac jac'. Pero tsa' tili wen uts'at ba lac pijtaya yic'ot Cristo. Jini cha'an mi mejlel lac lac'tesan lac ba'an Dios.

²⁰ Dios tsi' yal'la i t'an che' ba tsa' ochi Cristo ti motomaj. ²¹ Mach che'ic tsi' mele ti' tojlel yamba motomajob che' ba tsa' cajiyoj ti' ye'tel. Pero Dios tsi' yal'la i t'an ti' tojlel Jesús. Tsi' sube: “A Yum Dios tsa'ix i yal'la i t'an. Ma'anic mi' q'uextan i pusic'al. Jatet motomajet ti pejtelel ora”, che'en. ²² Jini cha'an la kujil ñumen wen jini tsiji' ba trato, come mi' xuc'chocontel ti Jesús.

²³ Ti yambλ ora wersa tsa' wa'chocontiyob cabλ motomajob. Mach jalic tsa' ajniyob ti' ye'tel, come tsa' chλmiyob ti jujuntiquil. ²⁴ Pero Cristo mi' yajñel ti pejtelel ora. Ma'anic mi' q'uextayel i motomajil. ²⁵ Jini cha'an mi mejlel i junyajlel coltan pejtel mu' bλ i lac'tesañob i bλ ba'an Dios ti' tojlel Jesús. Come chλn cuxul ti pejtelel ora. Woli' chλn tajob ti oración ti' tojlel Dios.

²⁶ Jesús jiñλch c'ax ñuc bλ la caj motomaj che' bajche' yom lac cha'an. Come ch'ujulach, ma'anic i jontolil, sac i pusic'al, mach xmulilic. Tsa'ix aq'uenti i ñuclel ti panchan. ²⁷ Mach wersajic mi' tsλnsλben i majtan Dios ti jujump'ejl q'uin che' bajche' yambλ motomajob. Ñaxan tsi' tsλnsλbeyob i majtan Dios cha'an i bajñel mul, ti wi'il cha'an i mul i pi'λlob. Pero Jesús tsi' tojo lac mul che' bλ tsi' yλc'λ i bλ ti chλmel che' bajche' tsλnsλbil bλ i majtan Dios. Jasλ junyajl tsa' chλmi. ²⁸ Jini mandar mi' wa'chocon ti ñuc bλ motomaj winicob am bλ i c'unlel i pusic'al. Pero Dios tsi' wa'choco i Yalobil tsa' bλ ts'actiyi i p'atλlel yic'ot i ñuclel ti pejtelel ora.

8

Jesús tsi' yλq'ueyonla ñumen wen bλ trato

¹ An ñuc bλ i sujmllel jini woli bλ c sub lojon. Jiñλch iliyi: An c'ax ñuc bλ la caj motomaj tsa' bλ buchle ti' ñoj jini C'ax Ñuc bλ woli bλ ti yumλntel ya' ti panchan. ² Woli' mel i ye'tel motomaj ya' ti jini C'ax Ch'ujul bλ Ajñibλ, jini mero isujm bλ otot tsa' bλ i wa'choco lac Yum. Mach jinic pisil bλ otot tsa' bλ i wa'chocoyob winicob.

³ Come ti pejtelel ñuc bλ motomajob añob i ye'tel cha'an mi' yλq'ueñob Dios ofrenda yic'ot tsλnsλbil bλ i majtan. Jini cha'an wersa an chuqui mi' yλc' ja'el jini ñuc bλ motomaj lac cha'an. ⁴ Wλ'ic an ti pañimil Jesús, mach motomajic, come an motomajob mu' bλ i yλq'ueñob

i majtan che' bajche' ts'ijbubil ti mandar. ⁵ Pero jini motomajob woli' p̄asob i yejtal jach chuqui an ti panchan, i yλxñlalel jach yilal. Come che' bλ tsa' subenti Moisés bajche' yom mi' mel jini tabernáculo, Dios tsi' sube: “Yom ma' wen q'uel cha'an lajal ma' mel ti pejtelel che' bajche' tsac p̄asbeyet ya' ti wits”, che'en.

⁶ Pero Jesús tsa'ix i taja ñumen ñuc bλ i ye'tel come tsi' yλq'ueyonla ñumen wen bλ trato ti' tojlel Dios cha'an mi lac pijtan chuqui tac uts'at, albil bλ i cha'an Dios. ⁷ Come tsa'ic mejli i coltañonla jini ñaxan bλ trato ma'anic tsa' ajq'ui yambλ ti' q'uexol. ⁸ Tsi' ña'ta Dios quepel jini t'an che' bλ tsi' yλλ: “Awilan, tal i yorajlel, mi caj c wa'chocon tsijib xuc'ul bλ t'an yic'ot i p'olbal Israel yic'ot i p'olbal Judá. ⁹ Mach lajalic bajche' jini xuc'ul bλ t'an tsa' bλ c mele yic'ot i ñojte'elob, che' bλ tsac chucbeyob i c'λb cha'an mic p̄ayob loq'uel ti' lumal Egipto. Ma'anic tsi' wen jac'ayob. Jini cha'an tsac tλts'λ c bλ.

¹⁰ Mi caj c mel yambλ xuc'ul bλ t'an yic'ot jini israelob che' ñumenix cabλ q'uin. Jiñlch iliyi: Mi caj cλq'ueñob i ña'tan c mandar ti' pusic'al. Mi caj i c'uxbiñoñob come i Dioson. Mi caj c cha'aniñob. ¹¹ Mach wersajix mi caj i cλntesan i p̄i'lob, mi i yerañob. Ma'anic mi caj i yλlob: Ñopo lac Yum, come ti pejtelelob mi caj i ñopoñob, jini allob yic'ot jini ñoxobix bλ, ¹² come mi caj c ñusλbeñob i mul. Ma'anic mi caj c chlñ ña'tλbeñob i jontolil”. Che' tsi' yλλ Dios. ¹³ Che' bλ tsi' yλλ tsijib jini pacto tsi' tsictesa ma'anix i c'λjñibal jini oñiyix bλ. Chuqui tac mach tsijibic woli bλ ti tsuculiyel mach jalix mi' sλc jilel.

9

¹ Dios tsi' yλq'ueyonla mandar yic'ot jini ñaxan bλ trato. Tsi' cλntesayonla bajche' yom mi lac ch'ujutesan yic'ot bajche' yom mi' yujtel i ye'tel ti ch'ujul bλ ajñibal

ila ti pañimil. ² Tsa' mejli pisil bΛ otot. Ya' ti ñaxan bΛ i mal i c'aba' Ch'ujul bΛ Ajñibal an lámpara yic'ot mesa, yic'ot waj tsa' bΛ ajq'ui ti mesa. ³ An yambΛ i mal ti' pat jini cha'wejlēl bΛ pisil i c'aba' C'ax Ch'ujul bΛ Ajñibal. ⁴ Ya'an i pulantib pom melbil bΛ ti oro yic'ot caxate' laj tep'bil bΛ ti oro ba' lotol jini xuc'ul bΛ t'an. Ya' ti mal caxate' an p'ejt melbil bΛ ti oro ba' lotol maná. Ya'an ja'el i barate' Aarón tsa' bΛ i cha'le nich yic'ot jini xajlel ba' ts'ijbubil jini lujump'ejl mandar. ⁵ Ya' ti' pam jini caxate' an i yejtal querubiñob mu' bΛ i ñuq'uesañob Dios. I γλχñlalel i wich' tsa' c'oti ti' pam i majc caxate' ba' tsa' ñusΛbentiyob i mul winicob. WΛle mach yomic mic laj tsictesΛbeñetla i sujmlēl i bΛl jini otot.

⁶ ChajpΛbilix jini otot, mi' yochelob jini motomajob ti ñaxan bΛ i mal cha'an mi' melob i ye'tel ti jujump'ejl q'uin. ⁷ Pero ti cha'tsajlel i mal, cojach mi' yochel jini ñuc bΛ motomaj junyajl jach ti jump'ejl jab. Wersa mi' ch'Λm ochel ch'ich' mu' bΛ i γλc' cha'an i bajñel mul yic'ot i mul winicob x'ixicob che' mach tsajilobic i cha'an. ⁸ Che' bajche' jini, jini Ch'ujul bΛ Espiritu mi' γλq'ueñonla lac ña'tan maxto tsictiyemic bajche' mi la cochel ti jini C'ax Ch'ujul bΛ Ajñibal che' wa'al to jini ñaxan bΛ otot. ⁹ Jini pisil bΛ otot, jiñlch i yejtal jini isujm bΛ otot mu' bΛ i γλq'ueñonla Cristo wΛle. Ti jini pisil bΛ otot tsa' aq'uenti Dios ofrenda tac yic'ot tsΛnsΛbil bΛ i majtan mach bΛ mejlic i junyajlel ñlch'chocobeñob i pusic'al jini mu' bΛ i cha'leñob ch'ujutesaya. ¹⁰ Come i melbal jach winicob ili waj yic'ot ili japbil bΛ. Mí' pocob ti ja'. I yejtal jach jini mero isujm bΛ. Che' mi' tilel jini isujm bΛ, mi' jilel i c'Λjñibal yambΛ.

¹¹ WΛle tsa'ix tili Cristo, jini c'ax ñuc bΛ motomaj mu' bΛ i γλq'ueñonla jini uts'at bΛ. Come an ñumen ñuc bΛ otot wen melbil bΛ, jiñlch mero i chumlib Dios. Mach

melbilic ti c'abɫ che' bajche' jini melbil bɫ ti pañimil.
¹² Tsa' junyajlel ochi Cristo ya' ti Ch'ujul bɫ Ajñibal. Mach i ch'ich'elic alɫ chivo mi alɫ tat wacax, pero yic'ot i bajñel ch'ich'el tsa' ochi ti jini Ch'ujul bɫ Ajñibal ti chan, come tsi' mañayonla cha'an mi la cajñel yic'ot ti pejtelel ora.
¹³ I ch'ich'el tat wacax yic'ot i ch'ich'el alɫ chivo yic'ot i tañil alɫ ña' wacax tsa' mejli i poj saɫ'uesɫbeñob i bɫc'tal jini bibi'o bɫ che' tsijcɫbil ti' pam. ¹⁴ Ñumen i c'ajñibal i ch'ich'el Cristo. Come mi' poc loq'uel ti lac pusic'al jini tsucul bɫ lac melbal cha'an mi lac melben i ye'tel jini cuxul bɫ Dios. Ti' p'ɫɫɫɫɫɫɫɫ jini Espíritu mach bɫ ajnic mi' jilel, Cristo tsi' yɫc'ɫ i bɫ che' bajche' ch'ujul bɫ i majtan Dios mach bɫ anic i mul.

¹⁵ Jini cha'an Cristo tsi' mele jini tsijib xuc'ul bɫ t'an cha'an mi' yɫq'uentelob jini paɫybilo' bɫ ti Dios jini bendición tsa' bɫ i wɫn ña'ta. An i p'ɫɫɫɫɫɫɫɫɫ Cristo cha'an mi' mel iliyi, come tsa' chɫmi cha'an mi' ñusɫbeñob i mul jini añob to bɫ ti wenta ñaxan bɫ trato. ¹⁶ Che' an majqui mi' chɫmel, mi tsi' wɫn mele ts'ijbubil bɫ jun ba' mi' yɫɫ woli' t'ox i chubɫ'an, ma'anic majch mi mejlel i ch'ɫm jinto chɫmenix i yum. ¹⁷ Che' chɫmenix mi' yujtel che' bajche' ts'ijbubil. Ma'anic mi' yujtel che' cuxul to i yum tsa' bɫ i ts'ijba.

¹⁸ Jini ñaxan bɫ trato ja'el ma'anic i p'ɫɫɫɫɫɫɫɫɫ jinto tsa' bejq'ui ch'ich'. ¹⁹ Moisés che' bɫ tsa' ujti i subeñob pejtelel winicob pejtelel i mandar Dios tsi' ch'ɫmɫ i ch'ich'el alɫ wacax yic'ot i ch'ich'el chivo yic'ot ja', yic'ot chɫchɫ bɫ i tsutsel tiñame', yic'ot pimel cha'an mi' tsijcan i juñilel mandar yic'ot pejtelel winicob x'ixicob. ²⁰ Tsi' yɫɫɫ: “Jiñɫch i ch'ich'el alɫc'ɫɫ cha'an mi' ts'ɫctiyel jini trato che' bajche' Dios tsi' yɫq'ueyetla mandar”, che'en.
²¹ Che' ja'el tsi' tsijca ti ch'ich' jini pisil bɫ otot yic'ot pejtelel i bɫɫ mu' bɫ i c'ajñel ti' ye'tel Dios. ²² Che' bajche'

mi' yal jini mandar, cojach yic'ot ch'ich' mi' saq'uesantel ti pejtelel. Machic mi' bejq'uel i ch'ich'el i majtan Dios, ma'anic i ñusantel mulil.

An i ñusantel mulil come Cristo tsi' yal' i ba ti tsansantel

²³ Che' jini tsa' wersa saq'uesanti jini Tabernáculo yic'ot i bal, jiñach i yejtal jach chuqui tac an ti panchan. Pero tsa' saq'uesanti i cha'año' ba Dios yic'ot yamba tsansabil ba i majtan Dios, ñumen wen ba. ²⁴ Come Cristo ma'anic tsa' ochi ti Ch'ujul ba Ajñibal melbil ba ti c'abal, i yejtal jach ba panchan. Tsa' ochi ti panchan, jini mero Ch'ujul ba Ajñibal ba' woli' pas i ba ti' tojlel Dios cha'an mi' coltañonla. ²⁵ Junyajl jach tsa' ochi ti panchan cha'an mi' yal' i ba. Mach che'ic bajche' jini ñuc ba motomaj mu' ba i yochel ti jujump'ejl jab ti C'ax Ch'ujul ba Ajñibal yic'ot ch'ich', mach ba i ch'ich'elic. ²⁶ Che'ic jini, wersa tsa' cha' chami Cristo ti jujumuc' c'alal ti' tejchibal pañimil. Pero mach che'ic. Jasal junyajl tsa' tsictiyi Cristo che' lac'lix jini cojix ba q'uin tac. Tsi' yal' i ba ti tsansantel cha'an mi' jisabeñonla lac mul. ²⁷ I tilel junyajl jach mi' chamelob winicob x'ixicob. Mi' yujtelob ti chamel, mi' melob i ba. ²⁸ Che' ja'el, Cristo junyajl jach tsa' ajq'ui cha'an mi' cuchbeñob i mul cablob. Mi' caj i tsictiyel ti' cha'yajlel cha'an mi' coltan jini woli ba i pijtañob, pero ma'anix mi' caj i chan cuch mulil.

10

¹ Jini mandar mi' pasbeñonla i yejtal jach jini mero isujm ba mu' ba caj i tilel. Mi' yalxñal pas. Ti jujump'ejl jab mi' chan tsansabeñob i majtan Dios che' mi' ch'ujutesañob che' bajche' mi' yal jini mandar. Pero jini mandar mach mejlic i ts'actesabeñob i wenlel i pusic'al.

² Tsa'ic mejli i saq'uesan jini mu' ba i ch'ujutesañob Dios,

jasal junyajl tsi' tsansabeyob i majtan. Che'ic jini tsa' junyajlel ñusabentiyob i mul. ³ Pero che' mi' chan tsansabeñob i majtan ti jujump'ejl jab, chan añix i ña'tantel mulil. ⁴ Come i ch'ich'el tat wacax yic'ot i ch'ich'el tat chivo mach mejlic i jisan mulil.

⁵ Jini cha'an, che' bl tsa' tili ti pañimil Cristo, tsi' yalal: “Mach a womic tsansabil bl a majtan yic'ot ofrenda. Pero tsa' chajrabeyon c baltal. ⁶ Ma'anic ma' mulan pulbil bl a majtan yic'ot yan tac bl mu' bl i yalq'ueñetob cha'an ma' ñusabeñob i mul. ⁷ Jini cha'an tsa calal: Awilan, tsa'ix tiliyon cha'an mic mel chuqui a wom, Dios, che' bajche' ts'ijbubil ti balbil bl jun”. Che' tsi' yalal Cristo. ⁸ Ti ñaxan tsi' yalal: “Mach a womic tsansabil bl a majtan, yic'ot ofrenda mu' bl i yalq'ueñetob, yic'ot pulbil bl a majtan, yic'ot yan tac bl cha'an ma' ñusabeñob i mul. Mach che'ic ma' mulan”. Che' tsi' yalal anquese ti pejtelel ili majtañal mi' yalc'ob che' bajche' mi' yal jini mandar. ⁹ Ti wi'il tsi' yalal: “Awilan, tsa' tiliyon cha'an mic mel chuqui a wom, Dios”, che'en. Che' bajche' jini, tsi' jisa jini ñaxan bl cha'an mi' wa'chocon jini wi'il bl. ¹⁰ Wale salq'uesablonixla che' bajche' yom Dios cha'an tsi' yalc' a i baltal Jesucristo che' junyajl jach tsa' chami cha'añonla.

¹¹ Pejtel motomaj mi' wa'tal ti jujump'ejl q'uin cha'an mi' cha' mel i ye'tel. Cabal mi' chan tsansaben i majtan Dios mach bl mejlic i wis jisan mulil. ¹² Pero Cristo junyajl tsi' yalc' a i bl ti' majtan Dios cha'an mi' toj lac mul ti pejtelel ora. Che' bl tsa' ujti i yalc' i bl, tsa' buchle ya' ti' ñoj Dios. ¹³ Ya' buchul woli ti pijt jinto mi' t'uchtantel pejtelel i contra. ¹⁴ Come ti jump'ejl jach bl i majtan Dios, tsa'ix i junyajlel weñ'esayob i pusic'al jini salq'uesabilo' bl.

¹⁵ Che'ach mi' subeñonla ja'el jini Ch'ujul bl Espiritu. Ñaxan tsi' yalal: ¹⁶ “Jiñach xuc'ul bl c t'an mu' bl caj c mel

yic'otob che' ñumenix cabɫ q'uin. Mi caj cotsan c mandar ti' pusic'al", che'en lac Yum. ¹⁷ Tsi' cha' alɫ: "Ma'anic mi caj c chɫn ña'tɫbeñob i mul yic'ot i jontolil", che'en. ¹⁸ Che' ñusɫbilix lac mul, mach chɫn yomix i majtan Dios cha'an mulil.

La' lac ñochtan lac bɫ ba'an Dios

¹⁹ Jini cha'an, hermanojob, yom ch'ejl lac pusic'al mi lac toj ochel ti jini C'ax Ch'ujul bɫ Ajñibɫl cha'an ti' ch'ich'el Jesús. ²⁰ Ti jini tsiji' bɫ bij, jini cuxul bɫ tsa' bɫ i jambeyonla Jesús, mi laj c'axel ti junwejl pisil, jiñɫch i bɫc'tal. ²¹ An lac cha'an c'ax ñuc bɫ motomaj mu' bɫ i cɫntan i cha'año' bɫ Dios. ²² Jini cha'an la' lac lac'tesan lac bɫ ba'an Dios ti jump'ejl lac pusic'al. Mach yomic tile bixel lac pusic'al che' mi lac ñop. Yom sɫq'uesɫbil lac pusic'al. Yom pocbil lac bɫc'tal ti yɫx bɫ ja'. ²³ La' lac chɫn ac' ti lac pusic'al chuqui ñopol lac cha'an woli bɫ lac pijtan. Come xuc'ul jini tsa' bɫ i yɫc'ɫ i t'an. ²⁴ La' laj coltan lac bɫ ti pejtelel chuqui wen, cha'an mi laj c'uxbin lac bɫ bajche' yom yic'ot wen bɫ lac melbal. ²⁵ Mach yomic mi laj cɫy lac tempan lac bɫ che' bajche' mi' bixel melob lamital. La' lac ch'ejl'esan lac bɫ. Cojcoj wɫle che' woli ti lac'tiyel jini cojix bɫ q'uin che' bajche' woli la' q'uel.

Mi woli lac cha'len mulil cha'an jach la com

²⁶ Mi an majch mi' chɫn cha'len mulil cha'an jach yom i pusic'al che' cɫñɫlix i cha'an i sujmllel, wolix i ñusan Cristo tsa' bɫ i tojbe i mul. Ma'anix majch mi caj i chɫn tojben i mul. ²⁷ An jach bɫbɫq'uen bɫ mu' bɫ i pijtan che' mi caj i tojob i mul ti' c'ɫc'al i mich'ajel Dios pejtél i contrajob. ²⁸ Majqui jach tsi' ñusɫbe i mandar Moisés tsa' tsɫnsɫnti che' bɫ tsi' tsictesayob cha'tiquil uxtiquil testigojob. Ma'anic majch tsi' p'unta. ²⁹ ¿Mach ba ñumeniquix mi caj i toj i mul jini mu' bɫ i ts'a'len i Yalobil

Dios? Che' mi' ñusan jini xuc'ul bλ t'an yic'ot i ch'ich'el mu' bλ i sλq'uesañonla woli' ts'a'len jini Espíritu woli bλ i pλyonla ti' yutslē i pusic'al. Ña'tanla cablīx i mul jini winic. Cabλ mi caj i taj wocol che' mi' toj i mul. ³⁰ La cujil jiñlch lac Yum tsa' bλ i γλλ: “Joñon mij q'uextan jontolil. Joñon mi caj cλq'uen i toj”. Tsi' cha' alλ: “Lac Yum mi caj i mel i cha'año' bλ”. ³¹ Βλbλq'uen jax muq'uic i γλq'ueñonla lac toj lac mul jini cuxul bλ Dios.

³² Cha' ña'tanla bajche' tsa' la' mele ti yambλ ora. Che' bλ tsa' la' ch'λmbe isujm, chlλn xuc'uletla yic'ot lac Yum anquese cabλ jax tsa' la' ñusa wocol. ³³ Tsa' wajlentiyetla, tsa' tic'λntiyetla ti' wut la' pi'λlob. Yaño' bλ ti la' tojlel tsi' coltayob jini tic'λbilo' bλ. ³⁴ Come tsa' la' p'unta jini tsa' bλ mλjquiyob. Che' bλ tsa' xujch'inti la' chubλ'an tsa' la' cuchu yic'ot i tijicñayel la' pusic'al. Come la' wujil an ñumen wen bλ la' chubλ'an ti panchan mach bλ yujilic jilel.

³⁵ Jini cha'an mach mi la' sλt i ch'ejlel la' pusic'al, come añlch ñuc bλ la' chobejtλbal woli bλ la' pijtan. ³⁶ Yom chlλn xuc'uletla ti' cuchol wocol cha'an mi la' taj chuqui tac albil i cha'an Dios che' bλ tsa'ix la' mele chuqui yom Dios: ³⁷ “Come jumuc' to mi caj i tilel jini tal bλ. Mach jalix mi caj i tilel. ³⁸ Jini toj bλ i pusic'al mi caj i taj i cuxtalel cha'an tsi' ñopo Dios. Pero mi tsi' cλγλ i ñopon mach tijicñayic mi caj j q'uel”, che'en. ³⁹ Pero mach lajalonicla bajche' jini mu' bλ i cha' cλγ i ñopob, mu' bλ i majlelob ti c'ajc. Joñonla mi lac ñop Dios mu' bλ i coltan lac ch'ujlel.

11

Che' mi lac ñop Dios

¹ Jini mu' bλ i ñop Dios, xuc'ul i pusic'al mi' pijtan. Mi' ñop ti isujm tal jini mach bλ tsiquiloc. ² Che'λch tsi' ñopoyob Dios jini winicob ti oñiyi. Jini cha'an Dios tsi'

q'ueleyob ti uts'at. ³ Cha'an tsa'ix lac ñopo Dios, la cujil tsa' mejli pañimil ti' p'ʌtlɛl jach i t'an Dios. Dios ma'anic tsi' c'ʌñʌ chuqui tac tsiquil cha'an mi' mel jini pañimil woli bʌ laj q'uel.

⁴ Cha'an tsi' ñopo Dios, Abel tsi' yʌq'ue ñumen wen bʌ i majtan bajche' Caín. Jini cha'an Dios tsi' q'uele ti toj. Tsi' subu uts'at i majtan tsa' bʌ i yʌc'ʌ Abel. Anquese tsa' chʌmi Abel woli to i cʌntesañonla cha'an tsi' ñopo Dios.

⁵ Cha'an tsi' ñopo Dios Enoc ma'anic tsa' chʌmi. Cuxul tsa' pʌjyi letsel ti panchan. Ma'anix majch tsa' mejli i chʌn q'uel, come Dios tsi' pʌyʌ letsel. Ts'ijbubiliz uts'at tsa' ajni Enoc yic'ot Dios wʌ' ti pañimil. Tsi' tijicñesʌbe i pusic'al.

⁶ Mi ma'anic mi lac ñop Dios, mach mejlic i q'uelonla ti uts'at. Come majqui jach yom i cʌn Dios, wersa mi' ñop mi an Dios, come jiñʌch mu' bʌ i yʌq'uen i chobejtʌbal majqui jach mi' tsajcan.

⁷ Noé tsi' ñopo Dios. Jini cha'an tsi' jac'be i t'an ba' ora Dios tsi' sube chuqui mi' caj ti ujtɛl che' maxto tsiquilic. Tsi' mele jini colem barco cha'an mi' coltan pejtelel año' bʌ ti' yotot. Cha'an tsi' ñopo Dios, Noé tsi' tsictesʌbeyob i mul pejtelel año' bʌ ti pañimil. Tsa' aq'uenti toj bʌ i pusic'al cha'an mi' yochel ti' cha'an bʌ Dios yic'ot pejtɛl mu' bʌ i ñopob.

⁸ Abraham tsi' ñopo Dios. Jini cha'an tsi' jac'ʌ i pʌyol. Tsa' majli i taj i lum tsa' bʌ subenti mi caj i yʌq'uentel. Tsa' loq'ui anquese mach ña'tʌbilic i cha'an baqui woli' majlel. ⁹ Cha'an tsi' ñopo Dios, Abraham tsa' chumle ya' ti jini yajcʌbil bʌ lum che' bajche' tsi' sube lac Yum. Ya' tsa' chumle ti' lumal yambʌ yumʌlob. Tsa' chumle ti pisil bʌ otot che' bajche' Isaac yic'ot Jacob tsa' bʌ aq'uentiyob jini jach bʌ t'an albil bʌ cha'an Dios. ¹⁰ Come Abraham tsi' pijta jini tejclum am bʌ i c'ʌclib, chajpʌbil bʌ i cha'an Dios, melbil bʌ i cha'an.

¹¹ Abraham tsi' ñopo Dios. Jini cha'an tsa' mejli i tech i yalobil, anquese cabl̄lix i jabilel. Xñejep'ix Sara ja'el. Pero Abraham tsi' ñopo mi caj i ts'actiyel i t'an Dios che' bajche' tsa' subenti. ¹² Jini cha'an anquese wen ñoxix Abraham, tsa' ochi ti' tat cabl̄ i p'olbal che' bajche' jini ec' am b̄ ti panchan, yic'ot i ji'il i ti' colem ñajb mach b̄ mejlic ti tsijquel.

¹³ Ti pejtelelob xuc'ul to tsi' ñoroyob Dios c'λλl̄ che' b̄ tsa' ch̄amiyob. Ma'anic tsa' aq'uentiyob chuqui tsa' subentiyob. Tsa' jach i ñajti q'ueleyob cha'an jini albil b̄ t'an. Tsi' ñoroyob. Tsi' pijtayob. Tsi' yλλyob mach i lumalic ili pañimil. Xñumelob jach. ¹⁴ Pejtel mu' b̄ i yλλob yamb̄yλch i lumal mi' tsictesañob i b̄, come woli' s̄clañob mero i lumal. ¹⁵ Tsa'ic i ña'tayob jiñl̄ch i lumal tsa' b̄ i c̄yuyob, isujm tsa' mejliyob ti cha' sujtel. ¹⁶ Pero tsi' pijtayob jini ñumen wen b̄ i lumal am b̄ ti panchan. Jini cha'an ma'anic mi' cha'len quisin Dios che' mi' diosiñob, come tsa'ix i melbeyob i tejclum.

¹⁷ Cha'an tsi' ñopo Dios Abraham, tsi' yλc'λ Isaac cha'an i majtan Dios che' b̄ tsa' il̄benti i pusic'al. Jini tsa' b̄ aq'uenti jini albil b̄ t'an tsi' yλq'ue Dios cojach b̄ i yalobil ti' majtan. ¹⁸ Tsa' subenti Abraham: “Loq'uem ti Isaac mi caj i tilel mero a p'olbal”. ¹⁹ Abraham tsi' ña'ta an i p'λtl̄lel Dios cha'an mi' cha' tech loq'uel ba'an ch̄ameño' b̄. Che' b̄ tsi' yλc'λ i yalobil, che'λch tsa' ujti yilal. Tsi' cha' p̄yλl̄ sujtel.

²⁰ Cha'an tsi' ñopo Dios Isaac, tsi' yλq'ueyob i yutsl̄el i t'an Jacob yic'ot Esaú. Tsi' subeyob chuqui tac mi' caj ti ujt̄el. ²¹ Cha'an tsi' ñopo Dios Jacob, tsi' yλq'ueyob i yutsl̄el i t'an i yalobilob José che' yomix ch̄amel. Tsi' c'uchchoco i b̄ i ch'ujutesan Dios che' chucul i cha'an i x̄λmbal te'. ²² Cha'an tsi' ñopo Dios José, tsi' yλc'λ mandar che' yomix

chamel cha'an mi' mucob ti' lumal, come tsi' wλn ña'ta mi caj i loq'uelob ti Egipto.

²³ Cha'an tsi' ñopoyob Dios i tat i ña' Moisés, tsi' mucuyob uxp'ejl uw che' bλ tsi' yila pañimil i yalobil, come wen uts'at tsi' q'ueleyob. Ma'anic tsi' bλc'ñayob i mandar rey. ²⁴ Cha'an tsi' ñopo Dios Moisés, che' winiquix, ma'anix tsi' chλn pejca ti' ña' i yixic'al jini Faraón. ²⁵ Tsi' γλc'λ i bλ i yubin i tic'λntel yic'ot i cha'año' bλ Dios. Ma'anic tsi' yajca cha'an mi' poj tijicñesan i pusic'al jumuc' ti mulil. ²⁶ Tsi' ña'ta ti' pusic'al ñumen an i c'λjñibal lac tic'λntel cha'an Cristo bajche' pejtelel chubλ'añal ti Egipto. Come xuc'ul tsi' pijta i chobejtλbal. ²⁷ Cha'an tsi' ñopo Dios, tsa' loq'ui Moisés ti Egipto. Ma'anic tsi' bλc'ñλbe i mich'ajel rey. Xuc'ul jach tsa' ajni come woli' q'uel yilal jini mach bλ mejlic laj q'uel.

²⁸ Cha'an tsi' ñopo Dios, tsi' teche Pascua. Tsi' subeyob i pi'λlob cha'an mi' tsλnsañob tiñλme' cha'an mi' tsijcañob ch'ich' ti' ti' i yotot cha'an mi' coltλntelob jini γλx alλlob ba' ora tsa' ñumi i jisañob jini ángel. ²⁹ Cha'an tsi' ñopoyob Dios, tsa' c'axiyob ti jini Chλchλc Ñajb che' bajche' ti tiquin lum. Jini egiptojob tsa' chamiyob ti ja' che' bλ tsi' lon ñopoyob c'axel.

³⁰ Cha'an tsi' ñopoyob Dios, tsa' yajli ts'ajc ti' joytilel Jericó che' ujtemix i joyojtañob wucp'ejl q'uin. ³¹ Cha'an tsi' ñopo Dios Rahab, am bλ cabλ i yixic, ma'anic tsa' jili yic'ot jini xñusa t'añob, come tsi' pγγλ ochel jini stsajiyajob cha'an mi' coltañob.

³² ¿Chuqui to yom mic sub? Ma'anic i yorajlel cha'an mic sub chuqui tsi' meleyob Gedeón, Barac, Sansón, Jefté, David, Samuel, yic'ot x'alt'añob. ³³ Cha'an tsi' ñopoyob Dios, tsa' mλjli i cha'añob ti' contra reyob, tsi' cha'leyob chuqui toj, tsi' tajayob chuqui tac albil, tsi' macbeyob i yej bajlum, ³⁴ tsi' γλpγyob ts'λplaw bλ c'ajc, tsi' puts'tayob i

yej espada. Che' c'uñob tsa' p'at'eslantiyob. Tsa' p'atayob ti guerra. Che' motocñayob i contrajob ch'oyolo' bλ ti yambλ lum, tsi' yajñesayob. ³⁵ An meba' x'ixicob tsa' bλ i cha' pλylyob jini chλmeño' bλ i cha'añob tsa' bλ cha' ch'ojoyob. Yaño' bλ tsa' p'ump'un tic'lantiyob. Pero ma'anic tsi' jac'lyob colel, come yomob i taj jini ñumen uts'at bλ mu' bλ caj i yλq'uentelob ba' ora mi' cha' ch'ojoyelob jini chλmeño' bλ. ³⁶ Yaño' bλ tsa' wajlentiob. Tsa' bajbentiob ti asiyal. Yaño' bλ tsa' cλjchiyob ti cadena. Tsa' mλjquiyob. ³⁷ Tsa' jujliyob ti xajlel. Tsa' setuntiyob ti sierra. Tsa' tsλnsantiyob ti espada. Lλpλ i cha'añob i pλchλlel tiñλme' yic'ot chivo, tsa' pam ñumiyob ti xλmbal. Ma'añobic i chubλ'an. Tic'λbilob. Cabλ i wocol. ³⁸ Pero wen uts i pusic'al ti' tojlel jini jontolo' bλ. Tsiquil mach i lumalic ili pañimil. Tsa' pam ñumiyob ti tiquin lum yic'ot ti wits. Tsa' chumleyob ti ch'en tac yic'ot ti yebal xajlel.

³⁹ Ti pejtelelob tsa' q'uejliyob ti uts'at cha'an tsi' ñopoyob Dios. Pero ma'anic tsa' aq'uentiyob ti pañimil chuqui tsi' pijtayob. ⁴⁰ Come Dios tsi' ña'ta uts'at mi' pijtañob chuqui ñumen ñuc mu' bλ caj i tajob yic'otonla che' temel mi la cλq'uentel lac wenlel yic'otob ba' ora mi' ts'actiyel i t'an.

12

Toj yom mi lac tsajcan majlel Jesús

¹ Joyolonla ti cabλ testigojob che' bajche' colem tocal. Jini cha'an la' lac junyajlel cλy pejtelel mu' bλ i mac-tañonla yic'ot pejtelel mulil mu' bλ i yλc'onla ti cλytl. La' lac chλn cha'len wersa che' bajche' jini wen yujil bλ ajñel cha'an mi lac taj jini woli bλ lac pijtan. ² Toj jach yom mi lac tsajcan majlel Jesús mu' bλ i yλq'ueñonla lac ñop. Mi caj i ts'actesλbeñonla ja'el chuqui mi lac ñop. Jesús

ma'anic tsi' xoyo i bijlel ti' tojlel wocol, come tsi' q'uele jini tijicña bλ woli bλ i pijtan. Jini cha'an tsi' yλc'λ i bλ ti quisin che' bλ tsa' chλmi ti cruz. Tsa' buchle ti' ñoj Dios ya' ti' yumλntel. ³ Na'tanla bajche' tsi' ñusa wocol che' ts'a'lebil i cha'an xmulilob, ame lujb'aquetla ti wocol ame mi la' lij la' bλ.

⁴ Come maxto anic tsa' la' wλc'λ la' bλ ti tsλnsλntel ti' cuchol wocol cha'an mi la' contrajin mulil. ⁵ Tsa'ix ñajλyi la' cha'an bajche' tsi' xic'beyetla Dios che' bajche' mi lac xic'ben la calobil. Tsi' yλλλ: “Calobil, mach a ts'a'len i ju'sλntel a pusic'al ti lac Yum. Mach a lij a bλ che' mi' tiq'uet lac Yum. ⁶ Come lac Yum mi' ju'sλben i pusic'al majqui jach mi' c'uxbin. Mi' toj'esan pejtelel mu' bλ i yotsan ti' yalobil”, che'en.

⁷ Mi woli la' cuch ti uts'at i ju'sλntel la' pusic'al, Dios woli' q'ueletla che' bajche' i yalobil. Come wersa mi' ju'sλbentel i pusic'al pejtelel alλλ c'uxbibil bλ i cha'an i tat. ⁸ Mi ma'anic mi' ju'sλbeñet la' pusic'al, che' bajche' lac tilel ti' tojlel lac tat, mach i yalobileticla. Yañach bλ la' tat. ⁹ Come lac tatob ti pañimil tsi' ju'sλbeyonla lac pusic'al. Tsa' lac chλn q'ueleyob ti ñuc. ¿Mach ba yomic ñumen mi lac ch'ujbiben i t'an lac Tat ti panchan cha'an cuxul mi la cajñel? ¹⁰ Isujm ya cha'p'ejl uxp'ejl jach jab lac tat tsi' ju'sayob lac pusic'al che' bajche' tsi' bajñel ña'tayob ila ti pañimil. Pero Dios mi' ju'san lac pusic'al cha'an mi la cochel ti ch'ujul che' bajche' ch'ujul Dios, cha'an mi lac taj lac wenlel. ¹¹ Isujm mach tijicñayic mi la cubin che' an majqui mi' ju'sλbeñonla lac pusic'al. Poj ch'ijiyem mi la cubin. Pero ti wi'il mi' yλc' ti p'ojlel toj bλ lac pusic'al yic'ot i ñach'tλlel lac pusic'al che' bλ tsa'ix lac jac'λ ti uts'at.

Cλntan la' bλ cha'an ma'anic majch mi' cλy i yutslel i pusic'al Dios

¹² Jini cha'an p'atesan c'un bλ la' c'λb. P'atesan c'un bλ la' pix. ¹³ Ρατλ toj bλ bij ame yajlic jini q'uichq'uichña bλ mi' cha'len χλmbal. La'p'λtac. ¹⁴ Chλn cha'lenla wersa cha'an mi la' wajñel ti ñλch'λl yic'ot pejtelel winicob x'ixicob. Ñopola ajñel ti ch'ujul, come jini mach bλ ch'ujulic ma'anic mi caj i q'uel lac Yum. ¹⁵ Tsajiletla ame anic juntiquil ti la' tojlel mu' bλ i ñusλben i yutslel i pusic'al Dios. Cλntan la' bλ ame anic jini ch'aj bλ mu' bλ i tech mich'ajel ti la' pusic'al ame i bib'esλbeñob i pusic'al cabλlob. ¹⁶ Tsajiletla ame anic majch mi' taj i yixic, ame anic majch mi' ts'a'len jini albil bλ i cha'an Dios che' bajche' Esaú. Tsi' choño i yλscuñil che' an i wi'ñal cha'an mi' poj taj i bλ i ñλc'. ¹⁷ Come la' wujil, che' yom i ch'λm bendición ti wi'il, ma'anic tsa' mejli. Anquese tsi' mele i pusic'al ti uq'uel, ma'anix tsa' mejli i mel i bλ.

¹⁸ Come mach pλybileticla ti wits che' bajche' israelob ba' mi la' wubin c'ajc, yic'ot sutujt ic', yic'ot ic'yoch'an bλ pañimil, yic'ot bλbλq'uen bλ ja'al, ¹⁹ yic'ot i t'an trompeta, yic'ot i t'an Dios. Jini tsa' bλ i yubiyob jini t'an tsi' c'ajtibeyob Moisés ti wocol t'an cha'an ma'anic mi' chλn pejcañob Dios. ²⁰ Come mach cujchic i cha'añob che' bλ tsa' subentiyob wersa mi caj i jujlel ti xajlel majqui jach mi' tλ jini wits, mi winic mi alλc'λl. ²¹ C'ax bλbλq'uen chuqui tsi' q'ueleyob. Moisés tsi' yλλ: “Woli' toj sajtel c pusic'al. Tsiltsilñayon ti bλq'uen”, che'en.

²² Pero jatetla tsa'ix c'otiyetla ti wits i c'aba' Sion, i tejclum jini cuxul bλ Dios, jini Jerusalén am bλ ti panchan ba' tempλbilob bajc'λl ángelob. ²³ Tsa'ix c'otiyetla ba' tempλbilob yλx alλ bλ i yalobilob Dios ts'ijbubil bλ i c'aba' ti panchan. Ya'an Dios mu' bλ i mel pejtelel winicob. Ya' añob i ch'ujlel toj bλ winicob tsa' bλ cha' mejliyob ti uts'at. ²⁴ Tsa'ix c'otiyetla ba'an Jesús, jini tsa' bλ i yλq'ueyonla jini tsijib xuc'ul bλ t'an ba' tsijcλbil i ch'ich'el cha'an mi'

ñusan^{tel} lac mul. Ñumen uts'at i ch'ich'el come ma'anic mi' c'ajtin i q'uexol che' bajche' i ch'ich'el Abel.

²⁵ Tsajiletla ame la' ñusan lac Yum woli b^l ti t'an. Come tsi' wersa tojoyob i mul jini israelob che' b^l tsi' ñusabeyob i t'an Moisés i winic Dios w^l ti pañimil. Ñumen mi caj lac toj joñonla mi woli lac ñusan Dios mu' b^l i pejcañonla ya'ti panchan. ²⁶ Che' b^l tsi' cha'le t'an Dios ya' ti wits tsi' ñijca pañimil ti' t'an. Pero w^{le} che' b^l tsi' y^{lq}ueyonla i t'an tsi' y^l^l: “Junyajl to mi caj c ñijcan pañimil yic'ot panchan, mach jinic jach pañimil”. Che' tsi' y^l^l. ²⁷ Che' b^l tsi' y^l^l: “Junyajl to”, tsi' y^{lq}ueyonla lac ña'tan mi' caj ti q'uextayel jini melbil tac b^l yujil b^l ñijcayel, cha'an mi' jalijel chuqui tac mach yujilic ñijcayel. ²⁸ La' lac ch^{an} suben Dios wocolix i y^l^l cha'an woli la cochel ti' yum^{antel} mach b^l yujilic ñijcayel. La' lac ch'ujutesan Dios ti uts'at yic'ot pejt^{el} lac pusic'al yic'ot b^{lq}'uen. ²⁹ Come Dios yujil jisaya che' bajche' c'ajc.

13

Bajche' yom mi' yajñelob hermanojob

¹ Ch^{an} c'uxbin la' b^l, come hermanojetla ti Cristo.
² Mach ñajayic ti la' pusic'al la' p'untan jini xñumelob mach b^l c^ñlobic la' cha'an. An i tajol tsi' m^lc'layob ángelob lac tatob che' mach c^lmbilob^{ic} i cha'añob.
³ Coltanla jini x^majquelob. P'untañob che' bajche' la' wom p'unt^{antel} ya'ic añetla ti m^ljquib^l. Ña'tanla jini woliyo' b^l ti wocol che' bajche' jatetachla woli b^l la' wubin wocol.
⁴ Ña'tanla uts'at ñujpuñel, uts'at mi' p^{ly} i yijñam winic. Yom xuc'ul mi' pi'leñob i b^l. Come majqui jach mi' taj i yixic, mi an i yijñam, o mi ma'anic i yijñam, Dios mi caj i mel. ⁵ Mach mi la' ts^ljyun taq'uin. Yom tijicña mi la' wajñel yic'ot chuqui tac an la' cha'an. Come Dios tsi' y^l^l: “Ma'anic mi caj a c^{lyt}l ti meba'. Ma'anic mi caj j c^{lyet}”,

che'en. ⁶ Jini cha'an, yom ch'ejl lac pusic'al mi lac sub: "Lac Yum jiñlach caj Coltaya. Ma'anic mi caj c bɫc'ñan chuqui mi' tumbeñon winicob", cho'onla.

⁷ Ña'tanla jini xɫantayajob la' cha'an tsa' bɫ i subeyetla i t'an Dios. Ña'tanla jaytiquil la' pi'lob tsa' bɫ i tajayob i wenlel ti chajp ti chajp ti' tojlelob. Ñopola Dios che' bajche' tsi' ñopoyob. ⁸ Jesucristo junlajalch ac'bi yic'ot wɫe yic'ot ti pejtelel ora. ⁹ Mach mi la' wɫc' la' bɫ cha'an mi la' jac' yambɫ cɫntesa am bɫ i sajtemal ti chajp ti chajp. Come mi lac taj i xuc'talel lac pusic'al cha'an i yutslel i pusic'al Dios, mach cha'anic we'elɫɫ. Mi woli laj c'ux we'elɫɫ o mi ma'anic woli laj c'ux, ma'anic mi' coltañonla ti tojlel Dios. Tsa' jiliyob jini tsa' bɫ i jac'ɫyob ili cɫntesa cha'an i bɫɫ ñɫc'ɫɫ. ¹⁰ An pulantib lac cha'an, jiñlach i cruz Cristo ba' mach mejlic i coltantel jini mu' bɫ i chɫɫ ñop i coltan i bɫ ti' jac'ol jini mandar.

¹¹ Jini c'ax ñuc bɫ motomaj tsi' ch'ɫmɫ ochel i ch'ich'el aɫc'ɫɫ ti Ch'ujul bɫ Ajñibɫɫ cha'an i ñusantel mulil. Tsi' puluyob i bɫc'tal aɫc'ɫɫ ti junwejl i ti' tejclum. ¹² Che' ja'el Jesús tsi' yubi wocol ti junwejl i ti' tejclum cha'an mi' sɫq'uesañonla ti' bajñel ch'ich'el. ¹³ Jini cha'an la' lac lac'tesan lac bɫ ba'an Jesús ti junwejl i ti' tejclum. La' laj cuch lac ts'a'lentel che' bajche' Jesús. ¹⁴ Mach wɫ'ic an lac tejclum. Pero woli lac sajcan jini tal to bɫ tejclum yujil bɫ jalijel.

¹⁵ Jini cha'an che' coltɫbilonla cha'an Jesús, la' lac chɫɫ sub i ñuclel Dios ti' tojlel winicob. Jiñlach mero i majtan. ¹⁶ Mach yomic mi' ñajɫyel ti la' pusic'al i melol chuqui uts'at cha'an mi la' coltan la' pi'lob, come jiñlach i majtan Dios uts'at bɫ mi' q'uel.

¹⁷ Jac'benla i t'an xɫantayajob la' cha'an. Otsan la' bɫ ti' wenta come añob i ye'tel cha'an mi' wen pɫsbeñetla i bijlel la' coltantel. Wersa mi caj i subob i bɫ ti' tojlel Dios.

Mi uts'at mi la' jac'ob tijicña mi caj i subob. Pero mi wola' wλq'ueñoob i ch'ijiyemlel i pusic'al mach che'ic mi la' taj la' wenlel.

¹⁸ Yom mi la' tajon lojon ti oración. Cujil lojon ma'anic c mul lojon ti la' tojlel. Come ti pejtelel lojon c pusic'al com c mel lojon chuqui uts'at. ¹⁹ La' wocolic cha'lenla oración cha'an mach chλn jalix mic cha' tilel ba' añetla.

Cortesía tac

²⁰ Diosλch mu' bλ i ñλch'chocoñonla. Tsi' teche loq'uel lac Yum Jesucristo ba'an chλmeño' bλ. Jiñλch ñuc bλ Xcanta tiñλme'. Tsi' beq'ue i ch'ich'el cha'an i sellojlel jini xuc'ul bλ t'an mach bλ anic mi' jilel. ²¹ La' i yλq'ueñetla pejtelel chuqui anto yom la' cha'an, cha'an mi la' mel ti pejtelel ora chuqui yom Dios. La' i mel i ye'tel Dios ti jatetla ti'p'λtλlel Cristo che' bajche' mi' mulan. La' tsictiyic i ñucl el Cristo ti pejtelel ora. Amén.

²² A wocolic hermanojob, yom uts'at mi la' jac' la' xic'bentel, come ts'ita jach tsac ts'ijbubeyetla. ²³ Ña'tanla librejix la quermano Timoteo. Mi mach jalix mi' julel ilayi, ya' talon ti jula' quic'ot. ²⁴ Aq'uenla cortesía pejtelel xcantayajob la' cha'an, yic'ot pejtelel i cha'año' bλ Dios. Mi' yλq'ueñetla cortesía jini ch'oyolo' bλ ti Italia. ²⁵ La' ajnic i yutsllel i pusic'al Dios la' wic'ot ti la' pejtelel.

I T'an Dios

Bible without Deuterocanon in Chol Tumbala; ctu (MX:ctu:Chol)
copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 28 Jul 2020 from source files dated 26 Jul 2020

45de077a-5b47-572a-bd9d-72438a3be945